


PAMFLET
651



T
m

W 559.

DISCOVERS.
Verclaerende wat for=
me ende maniere van regeringhe / dat die
Nederlanden / voor die alderbeste
ende zekerste / tot desen
tyden aenstellen
mochten.

1. Corint. 7.

Sijt ghy tot dienstbaerheyt gheroepen / becom=
mert b niet / maer so ghy byp werden
condt / ghebrypet dat lieuer.



T. Livius.

Als Brutus die Tyrannē / namelijk die Tarquinius
wt Rome verdreef / so sprack hy / wy moeten
van twee dinghen dat eene verkiezen: Een eer=
lijck leuen in bypheyt / ofte voor onse bypheyt
een mannelijcke doot.

Anno/ M. D. LXXXIII.

659
22

DISCOVR

Geftelactenide hout tot

de maetmanier van regteringen: dat die

geftelactenide / noch die alderbeste

ende geftelactenide / tot desen

oppen geftelactenide

moeten.

Comme.

Spit ghy tot dienftbarende geftelactenide / dat die

moet u niet inder in ghy van tekenen

comme geftelactenide.

T. Lijue.

Als die die T. Lijue manlijche die T. Lijue

de T. Lijue berijet / so ghyet hy / wy manlijche

dan those blyffen dat een berijet: dat een

liet berijet in blyffen / ofte hoeg ende blyffen

een manlijche doot.

Ammon. D. M. V. M.

DISCOVRS.

Verclaerende wat forme ende maniere
van regteringhe/ dat die Nederlanden / vooz
die alderbeste ende zekerste / tot desen
tyden aenstellen mochten.

(* * *)



ALE die inder Heyligher
Schrift / ende in den gheloofweerdighen
Historien een weynich belesen en
eruaren zijn / die wetē ghenoechsaem/
hoe die mensche vanden beghinne der
Weerelt / en ooc nae de Sunde-bloet /
in aller bypheyte / by elckanderen ghe-
leeft ende ghewoont hebben / in ghe-
lijcker aucthoriteyt / macht ende aensien / tot der tijt toe /
dat sy om eerbaerheyt / deught ende gherechticheyt te be-
ter te onderhouden / sommighe onder hen / bypwillich tot
Querheyden ende Regenten vercozen hebben. Daer wt
datmen merckē can / dat die mensche / niet om die Quere-
heyden van Godt ghelchappen zijn / maer dat die Quere-
heyden / om der menschen dienst ende welbaert / door het
ingheuen Godes verordonneert ende inghestelt zijn / op
dat sy souden wesen / een leuende ende sprekende Wet /
om die Wetten ende Ordonnantien te onderhouden / die
sy (welcke hen in een Stadt ofte andere plaetse begauen ende
voeghden om tsamen te woonen) onder een anderen byp-
willich vooz goet aenghesien ende besloten hadden.

Maer Godt die vanden aenbeghinne zijn Kercke ghe-
hadt / ende in die Arcke Noach / die selue ghespaert ende
bewaert heeft / heeft van stonden aen / der seluer zijnder
Kercken / heylighe Wetten ende brome Mannē gheghe-
uen / die de ongherechticheyt ghestraffet / en die gherech-

A ij.

ticheyt

ticheyt voorszestaen hebben / so dat eerste boeck Moyses
 claerlijck betuyghet. Doch die regeringhe / die Godt
 bandē beghinne / onder zijn volck inghestelt heeft / was
 veel ghelijckformigher der regeringhe eenes Vaders / ouer
 syne kinderen ende huyfghelin / dan eender heerschapp-
 ppe / eenes gheweldighen Heerē / ouer zijn aarme onder-
 danen / so die regeringhe / Abrahams / Moyses / Josua en
 dierghelijcken betuyghet / in de welcke gheen tyranie noch
 moetwillighe heerschapppe / ghebonden noch ghemerckt
 werdt. Ende voorszwaer / noyt en was den staet ende die
 conditie van Godes volck beter / dan ten tyden van dese
 Vaderlijcke regeringhe / die Godt / als die alder bequaem-
 ste / banden beghinne selue verordonneert heeft.

Hose. 13.

Job 34.

Het waere oock Godt bouen maten lief gheweest / dat
 syne kinderen by dese forme ende maniere der Vader-
 lijcke regeringhe ghebleuen waren / maer ondanchbaer
 ende moetwillich werdende / hebben sy dese regeringhe
 verwozpe / daerom hen Godt tot een straffe / in syne toorne
 (soo Hoseas spreekt) eenen Conijnck ghegheuen / en om
 zijn volck te dwijnghe / soo Job oock zept / liet hy eenen
 huyfghelaer ofte Hypocriyt regieren. Ende also heeft hy
 die verwerpinghe / van dese voorszeyde Vaderlijcke en
 bytendelijcke regeringhe / zwaerlijck / ende niet alleyn
 mit woorden / maer oock mit onghewoonelijckē donder /
 onweder ende schadelijcken reghen ghestraffet / soomen
 int eerste boec Samuelis aen dat 12. Capittel lesen mach.

De wyle dat dan den volcke Godes / soo veel aen die
 forme ende maniere der regeringhe ghelegghen is / ende
 dat nu ons gheliefde Vaderlandt / schier staet sonder ze-
 ker ende bestendighe forme van regeringhe / dat Spaen-
 sche tyranisch regiment / om hooghwichtighe wel ghe-
 gronde oorzaken verwozpe hebbende / ende hen nu door
 die verraderische moordadicheyt der Fransose / so schen-
 delijck bedroghen bindt / ende is eenen mensche ghelijck
 die op eenen crupswech ofte straete hem bindende / niet en
 weet

weet welcken wech dat hy best verkieſen ende ingaen ſal/
om te gheraken daer hy gheerne waere/ ſo hoepe ic/ dat
die goethertighe Liefhebbers des Vaderlands/ my dat
int beſte afnemen ſullen/ dat ick hen hier in/ om tot een
bequame forme/ van een beſtendighe regieringhe te com-
men/ mijn eenboudich bedencken voorſtelle/ de wyle sy
in haere bypheyt blyuen/ om ſulck een forme van regie-
ghe in te ſtellen ende aen te richten/ als sy totter bewae-
ringhe der eeren Godts/ en haerer welbaert/ bequaemſt
ende dienſtelicks houden ende bekennen ſullen.

Die Hiſtorien betuyghen/ datter van dyperey formen
van regieringhen/ altyt eene is ghehouden gheweest/
daer nae dat die Landen ende volckeren zijn gheregiert
gheweest. Want sy zijn gheweest/ ofte onder een Mo-
narchia, dat is/ onder die regieringhe van een eenich Hooft/
het welcke in volcommen aucthoriteyt ende macht/ouer
die onderdanen gheregiert heeft: ofte sy zijn gheweest
onder een Aristocratia, dat is/ onder die regieringhe des
waren Edeldoms/ welcke eensdeels door die byrome ſep-
ten harer ouderen/ anderſdeels door haer eyghen cloeck
voorſtaen des Vaderlands/ en der gherechticheyt/ ghea-
delt ende verhooght geweest zijn: ofte onder een Demo-
cratia, dat is/ onder een regieringhe der eerlickſten ende
verſtandichſten Borgheren/ die vanden anderē uitbor-
gheren/ mit zeker Wetten ende conditien/ oock voor ee-
nen zekerē tijt/ ouer hen vercozen en gheſtelt zijn ghe-
weest. Want daer gheen van deſen dypen formen is/
daer is een Anarchia ende een ſchadelijcke confuſie/ daer
voor alle redelijcke menſchen hem behoordē te ſchrōmen.

Sommighe Philoſophen ende gheleerden/ hebbē die
Monarchiam, dat is/ die regieringhe van een eenigh
Hooft/ voor die beſte ende beſtendichſte ghepreſen/ ouer-
midts dat een Hooft ende perſoon beter om onderhoude
ende om verſaden is/ dan vele/ ghelijc der Apologus van
den voghelen leert/ de welcke/ bouen ende tot de Arent/
A iij. noch

noch meer Coninghen verkielen wouden/het welcke hen
om die boorsepde oorlaecke wederraeden wiert. Item
men seyt oock/ dat die Monarchie/ der Goddelijcke re-
gieringhe aller ghelijckformichst is/ wāt hy neffens hem/
gheenen anderen dulden noch lyden can. Ghelijc Alex-
ander Magnus boortypden sepde / dat eene Weerelt en
conde gheen twee Alexandros draghen / ende Iulius Caesar
sprack oock / dat ghelijck den Hemel gheē twee Zonnen
draghen can / also conde ooc dat Roomsche Rijke gheē
twee Casares draghen. Maer veel andere verstandighe
Mannen / merckende hoe lichtelijc / dat het oordeel / wil-
le ofte verstandt eenes menschen konde verandert / be-
weeght / ghecorrompeert ende bedroghen werden / oock
hoe lichtelijc dat die Monarchie in een tyrannie degene-
reert ende verkeert werdt / hebben die Aristocratiā, dat
is / de regeringhe des Edeldoms als die beste en besten-
dichste vercozen ende gheprezen / also die noch tot Vene-
gien / ende in meer andere steden van Italien ghehouden
ende ghebruyckt werdt. Andere hebben wt veel wich-
tiger ende wel ghegronde oorlaeckē / voor die bequaem-
ste / sekerste ende lydelijckste forme van regeringhe / die
Democratiā, dat is / dat Borgherlijck wel aenghestelde
regiment / ghehouden en ghelooft / ouermidts dat sy ghe-
achtet hebben / dat in een sulcke regeringhe / die tyran-
nie alderminst te vzeelen en te besorghen is / ende dat die
vryheden der steden ende ghemeynen / daer door ten be-
sten ende sekersten onderhouden ende bewaert worden.
Ende voorwaer die Historien betuyghē / dat die beroem-
de Stadt van Athenen / in rijckdom / neeringhen / hantie-
ringhen / allerley goede constē ende scientien / noyt voor-
spoedigher gheweest ende meer gheslozeert heeft / dā ten
tyden / doe die boorsepde wel aenghestelde Borgherlijcke
regeringhe / daer is ghebruyckt ende onderhouden ghe-
weest. Hierom werdt oock Thrasylulus hooghelijck
gheprezen / de welcke soo Xenophon schrijft / die boorsepde
Stadt Athenen / zijn Vaderlandt / vā 30. Tyrannē (welc-
ke de beste Borghers berooft ende veriaecht / en die vry-
heyt

hept der Stadt onderdrückt hadde) verlost / ende die ver-
iaechde Borghers/ wederom in haer goet / ende die Stadt
tot haere oude Borgherlijke byphept en regiment ghe-
bracht heeft.

Ende soo wy sonder passie/ de waerhept recht beken-
nen willen / moeten wy niet belpden/ datter tot deser tijt
in Europa gheen ghelucksaligher volck en leeft / dan die
Zwitsers / daer dese Democratia, dat is/ die eerlijke wel
aenghestelde Borgherlijke regeringhe onderhoudt wert?
Die Godtsalicheyt/ eerbaerheyt/ en gherechticheyt wert
by hen/ in grooten brede onderhouden/ dies soo ghebene-
dijste Godt oock / also dat sy isamen vereenicht blpuen-
de van allen Potentaten ghebreest werden/ welke haere
alliancie ende vriendschap soecken. Daerom waere het
nu oock wel noodich / dat wy in dese Landen/ die voorsz-
sepde forme van regeringhe wel rypelijck ouerdachten/
om wt die Aristocratissche ende Democratissche/ dat is/
wt die regeringhe der Edelen ende der Borgheren/ eene
ghemiatichde en goede forme van regeringhe te nemen/
ende aen te stellen/ daer door ons Vaderlandt / van alle
tyrannie bebydet/ en in Godtsalicheyt/ brede en gherech-
ticheyt/ naemaels mochte gheregiert en behoudt werden.

Het is wel waer / dat alle die voorszepde dype vormen
van regeringhen / in haer seluen goet/ ende Gode beha-
ghelijck zijn / ende dat Godt zijnder Kerckē / so wel on-
der die eene/ als onder die ander regeringhe/ veel goets
ghedaet ende bewesen heeft: nochtans betuyght die heyl-
lighe Schrift / ghelijck oock die Heydensche Roomsche
Historien doen/ dat die Monarchie/ dat is/ die regerin-
ghe eenes eenighen Hoofs/ lichtelijck in een tyrannie ver-
keert is gheweest. Sien wy niet/ hoe dat Saul die eer-
ste Conijnck ofte Monarcha, ouer Godes volck/ van ston-
den aen een Tyrant gheworden is/ als hy den achterclap-
pers/ verraders ende pluymstrijckers ghehoort ghegheuen/
ende den bromen David om zijn weldoen/ vervolght/ en
die

die Priesters des Heere sonder oorsaecke vermoort heeft?
David een man wesende nae Gods herte/ een Conijnck
ende Monarcha zijnde/ heeft hy zijn aucthoriteyt en machte
niet menichmael misbruyckt? Leest dat 9. cap. inden 2.
boeck Samuelis/ daer vint ghy hoe hy Miphiboseth, den
zone van Ionatha synen seer ghetrouwen vriende/ die ac-
keren synes grootvaders Sauls gheschenct heeft. Maer
heeft David daerna/ op het valsche aenbringhen vā Siba,
eenen knecht ende dienaar/ sonder Miphiboseth eenmael
te beroepen ende te hoozen/ hem de voorszeyde goederen
niet wederom ghenomen/ ende den Siba die ghegheuen/
soo 2. Samu. int 16. cap. gheschreuen staet? So nu de-
se H. Man Godes/ inder Monarchie/ dat is/ alleyn in
volcommen macht regierende/ hem so vergrepen/ en den
vromen Miphiboseth, mit onwaerheyt beschuldicht zyn-
de/ onghehoort/ ghestraffet/ ende onderdrukt heeft/ wat
connen wy van anderen verwachten/ die of Godt niet en
kennen noch vreesen/ ofte ten minsten/ den hondertsten
deel van Davids Godtsalicheyt ende vromicheyt niet
en hebben?

Hoe claghelijck dat het mit der Kercke Godes onder
die Monarchie/ nae Davids afsteruen/ gheganghe sy/
ende hoe cleyn dat het ghetal der vromen Monarchen
en Coninghen gheweest sy/ die in Juda en Israel Gode-
salichlyck gheregiert hebbē/ betuyght de H. Schrift wel/
ende wt dat eenich woort van Roboā Salomons sone/
blijckt iselue ghenoechlaem/ de welke tot synen onder-
danen sprack/ so 1. Coningh. 12. cap. staet. Mijn Vader
heeft v mit roeden gheslaghen/ maer ick sal v mit Schoor-
pioenen slaen.

Wengaende de vier Monarchien der Chaldeen en Assy-
riens/ der Perssen ende Meden/ der Grieken ende letzte-
lijck der Romeynen/ wat heeft de Kercke Godes/ daer
onder moeten lyden? Hoe veel Tyrannen hebbē ten ty-
den deser Monarchien ghewoedet ende gheraest? Hoe
cleyn

clepne/ is dat ghetal der Godtsaligher Monarchen ghe-
weest? So Nimroth die eerste was/ wesende wt het ver-
bloecte gheslachte vā Cham/ so warē vast alle die nae-
commers namelijk grouwelijcke Tyrannen. Ende oft
schoon Godes volck in die Monarchie der Perlen ende
Meden/ eenen Cyrum, item Darium den tweeden/ ende
Artaxerxen ghehadt heeft/ die wat milder ende lydelijcker
gheweest zijn/ dan die andere: Wie isser dā noch onder
desen gheweest/ die Godt recht ghekent ende ghedient
heeft? die op den beloofden Messiam, sijn ghelooue ende
vertroutwē ghestelt heeft? die de Afgoderij wegheroept/
ende de Justitie recht gheadministreert heeft?

Alengaende die Roomsche Monarchie (want vande
Grieksche die seer onlanck gheduerde/ is niet veel byson-
ders alhier te schryuen) heeft die niet in Iulio Cesare, mit
onderdruckinghe vander bypheyt zijns Vaderlands aen-
gevanghen? Is die oock niet met tyrannie ende mooyt
onderhouden en ghecontinueert gheweest? Ende de wra-
le dat altijt nae eenen boosen keiser/ noch een argher ghe-
suceddeert heeft/ so heeft het die oude Romeynsche Wra-
we recht booz ghehad/ die Iupiter om dat lanck leuē van
den wreeden Tyrant Nero ghebeden heeft/ op datter niet
een ander succedeerde en naebolghde/ die noch wreeder
en booser waere. Het is wel waer/ dat Godt sich ouer
syne arme Christenheyt ontfermende/ eyndelijc dē Godt-
salighē Constantinum Magnum, ontrent het Jaer 315, ver-
weckt heeft/ welke ouerwonnen hebbende/ die Tyran-
nen Maxentium ende Licinium, die Kercke Godes wat
gheboozdert heeft/ ghelijck ooc nae hem Constantius, Va-
lentinianus, Gratianus, Theodosius, Arcadius ende Honorius
ghedaen hebben/ maer hoe clepne is dat ghetal der bro-
men Monarchen ende keiseren gheweest/ onder die 178.
Roomsche keiseren/ die duylanghe gheregiert hebben?
Wat heeft de Kercke Godes onder dese Monarchie moe-
ten lyden? Het is ooc openbaer dat die Republicque vā
Rome/ soo langhe die Aristocratie vermenghelt mit die
23 Demo-

Democratie/ dat is/ die ordentlijke/ Adellijcke en Boz-
gherlijke regeringhe ghedueret heeft / in allen dinghen
voorspoedich gheweest ende toeghenomen heeft/ maer so
haest die Monarchie inghedronghen/ ende mit gheweldt
ingheboert wierdt/ so heeft die Republicque afghenomen/
so alle Historien dat eendrachtelijck betuyghen.

Die Aristocratie ofte regeringhe des Edeldoms allep-
ne aengaende/ het is openbaer/ dat Solon ende Lycurgus,
seer wylse ende gheleerde Mannen / dese forme vā regie-
ringhe/ als die alder bequaemste/ by die van Lacedemo-
nien ingheboert hebben. Demosthenes ende Cicero, heb-
ben dese forme bouen alle andere regeringhe gheprezen/
want die rechte/ waere en mit der daet oude Edel-man-
nen/ wesende rechte Liefhebbers ende beschermers van-
der bypheet des Vaderlands/ hebbē eerlijke seften ghe-
daen/ so bouen vandē byomen Thrasylulo gheseyt is/ en
soo die Historien van Lucio Iunio Bruto, die Tarquinium
Superbum (welcke Lucretiam veracht hadde) omghebracht
heeft. Item van Dion tot Syracuse, van Vlyse, Themisto-
cle, Marco Lepido, van Scipione Africano, Cassio, en meer
derghelijcke rechten Edelen Helden betuyghen: Maer
het is te beclaghē / dat het ghetal sulcker Edel-luyden
ende Liefhebbers des Vaderlands / ende syner bypheedē/
so cleyn gheworden is/ ende dat sy / die een sulc dapper
generous herte hebben / door ander vernemende Edelen/
in haer goet boornemen ghehindert werden/ dat oock so
weynich ionghe edel kinderen / also opghetoghen wer-
den/ dat sy om landt ende lieden te regieren/ bequaem be-
vonden werden/ so die experientie (welck Godt moet ghe-
claeght zijn) meer dan ghenoech daghelijck betuyghet.
Want wat hebben sy in desen elendighen staet des Va-
derlands/ den seluen te goede/ in dese leste 25. Jaeren doch
wtgheericht? Het is oock wt sommighe exempelen/ noch
op den dach van hedent openbaer / dat die Aristocratie/
ende regeringhe des Edeldoms allepne / niet sonder ty-
rannie ende onderdruckinghe der Bozgheren toegaet/
daer

daer van niet noodich is breeder te discoureren.

Of nu wel gheen forme van regeringhe/ ter weerelt
zijn can/ ofte sy en heeft haer beswaeringhen/ ende can
oock misbruyct werde/ so is doch openbaer/ datter ghe
bequamer noch bestendigher forme van regeringhe in
desen letsten boosen tyden/ can bedacht noch aenghestelt
werden/ dan die Aristocratie vermenghelt/ mit der De
mocratie/ dat is/ die regeringhe der besten Edel-lieden
ende der verstandichste Borghere/ in de welke die ghe
schickste ende bequaemste inwoonders ende Borghers/
mit ghewissen conditien/ ende vooz eenen tijt/ totter re
gieringhe vanden haren mitborgheren vercozen werden/
de welke haren vercozenen Querheeren/ bywillich ghe
hoopsaem ende ghetrouwe zijn/ behoudende die macht en
bypheyt/ om die ghene die int regiment onbequame ghe
bonden werden/ oft hem in die regeringhe anders dra
ghen/ dan het behoort/ wederom af te stellen/ ende daer
in nae het behooren te voozlien.

Ende sulcke regeringhe hebbē de Zwitfers/ dat iock
der Tyrannen verwoyde hebbende/ louelijck aenghestelt/
ende eerlijck dus langhe bewaert. En het is openbaer/
dat ons Vaderlandt/ t'welcke duysentmael zwaerlijcker
dooz die Spaengnaerts is ghetyranniseert gheweest/ dā
die Zwitfers opt waeren/ ende nu nieulijck die moorde
rissche ende verraderissche ontrauwe vande Fransopsen
bevonden hebbende/ veel meer cause/ oock veel beter be
quaemheyt ende ghelegghentheyt heeft/ om sulcke ofte een
derghelijcke regeringhe aen te stellen/ dā die in Zwitser
landt opt daertoe ghehadte hebben.

Wat bequaemheyt ende ghelegghentheyt dat onse Ne
derlanden hebben/ om een sulcke syne regeringhe aen te
stellen/ wat middelen ende sterckten dat daer oock zijn/
dit hebbē Duc d'Alue/ Requesens/ Don Jan d'Autria/
ende de Prince vā Parma/ dus langhe wel eruaren. Dat
25 ij. onse

onse Lantflupden oock handen ende voeten hebben / be-
tuyghen niet alleyn die Chronijcken / maer in Hollandt
ende Zeelandt heefmen dat wel ghesien / ende men sou-
de sulcker exempelen meer ghehadt hebben / hadtme ons
volck willen inde wapenen oeffenen ende ghebruycken /
ende niet veel lieuer bremden daertoe gheroepen / op dat
onse inghesetenen haere sterckheyt en cracht niet weten /
maer alijt die melckende koepe bluen soude. Die van
Antwerpen hebben (daer van Godt eeuwigh eere al-
leyn moet ghegheuen werden) mit der daet nieulijc wel
bewesen / dat sy oock Mannen zijn / als het die noot heys-
chet / twelck andere oock desghelijcx wel doen souden /
waert dat sy recht gheoeffent ende aengheboert / en daer
in niet ghehindert ende belet en waere. Daerom mach
hem de Auctheur des Dialogi, daer Ernestus en Immanuel
tsamen sprekende ingheboert werden / wel schamen / daer
hy alle inwoonders ons Vaderlants also verachtet / of sy
alle dronckaerts / suppers ende ghierichaerts ware / ende
datter niet een redelijc dapper Man en waere. Syne
Lantlieden die Fransosen / sullē hem dat wederspel wel
betuyghen. Het waere den seluen Auctheur beter / dat
hy zijn tonghe ende penne (die hy dus langhe om ghelt
verhuert iac vercocht heeft) beter ghebruyct hadde / maer
hy sal zijn oordeel draghen.

Het waere nu dan eens tijt / dat wy niet meer mit brem-
de ooren ende ooghen saghen / en hoorden / en mit brem-
de handen ons beschermden / maer dat wy selue ons oo-
ren ende ooghen open deden / ende ons eyghen handen
ende volck / tot onser verlossinghe ende bescherminghe /
midts de Vaderlijcke hulpe Godts / oock eenmael ghe-
bruycken. Want wat manghelt ons / hebben wy niet
also syne stercke Mannen / om dat Corcelet en die Spijse
te draghen / ander om die Bulle te ghebruycken / als an-
dere Landen. Quertreffen onse Landen niet erbarene Zee-
vaerders / Mattelosen ende Bootsghesellen niet alle an-
dere Landen / wy hebben veel te langhe die Raet-Heere
ghe-

ghehoort/ die haeren raedt wt Marcionelli ghesoghē heb-
bende/ ende alles mit vremde Crijchsvolck hebbē willen
wtrichten/ op dat wy onse sterckheyt niet wetende/ ons
tot op het been souden laten scheeren ende villen. Alle
die nae tyrannie ghetrachtet hebben/ die hebben sulcke
procedueren en manieren vā Crijch te voeren ghebruyct/
maer die des Landts ende des volcks verlossinghe ende
bypheyt ghesocht hebben/ die hebben den Inghelerten
des Landts/ die wapenen inde handt ghegheuen/ want
die connen alder best/ voor Wyf ende Kint/ Huys/ Hof/
en goet/ iae voor haer eyghen lijf ende leuen stryden/ die
de saecke selue aengaet/ beter dā die/ die om ghelcs wil-
le/ wt vremde Landen daertoe moeten beroepen en ghe-
huert werdē/ en daerom hen ooc als huerlinghē stellen.

Wy moeten oock bedencken/ dat wy nu niet langher
die middelen hebben/ om sulcke Inposten/ Licenten/
schattinghen ende ghiften/ die de schattinghen (welcke
Duc d'Alue ons opghelept heeft/ al verre te bouen gaē)
meer te gheuen/ ghemerckt dat die platte Landē/ die op
deser yden des waters ligghē/ gantsch verwoestet zijn/
ende dat die steden sonder neeringhe/ ende die Kentiers
sonder Jaerlicksche Kentē in armoede zittende/ sulcke la-
sten niet langher draghē connen. So zijn oock die Ghee-
stelijcke goederen/ daer mit men die aarme ghemeynte/
niet allepne nu/ maer naemaels tot eenwighen tydē/ wel
anders ende beter hadde connen verschoonen/ schier alle
also ghelmolten/ datmen niet en weet/ waer die ghesto-
uen ofte verbloghen zijn.

Daerom so wy ende onse naecommers/ niet willē bal-
len in een grouwelijcker dienstbaerheyt/ dā die Mooren
opt gheweest zijn/ so moeten wy ons slamen vereenighē
ende verbinden/ ende ons seluen helpen/ mit die cleyne
middelen/ die ons Godt/ noch ghelaten heeft. Wy heb-
ben ons veel te langhe op die ghecroockte Rieten Egypti
berlaten/ die ons/ so Elaias spreekt/ door de handē ghe-

23 iij.

hooft

hoort ende ghesteken hebbe. **W**t Hispanien en is gheen
zekere versoeninghe/ noch wt Brancryck/ gheene besten-
dighe tranwe te verwachten. Ende hoe onse Nederlan-
den mit vremde Gouverneurs vanden tijt af/ dat Frau
Margriete in Nederlandt gheregiert heeft/ ghebare zijn/
hoe die vremde de beste offitien ende staten/ en alsoo den
rijckdom des Landts becommen/ ende die beste rijckste
houwelijcken ghedaen hebben/ die mitgaders oock hae-
ren kinderen ende naecommelinghe/ ons nu alle dit on-
gheluck causeren ende toebzinghe/ dat weten sy wel/ die
een wepnich tot haren Jaren ghecommen zijn/ en sul-
ke saecken gaede gheslaghen hebben.

Dies seggh' ick noch een-mael/ so wy van alle dese be-
zwaeringhen/ Crijch ende ongheluck/ willen bezyt/ en
eenmael verlost werden/ wy moeten ons slamen verbin-
den/ ende Godt booz ooghen hebbende/ en hem van her-
ten aenroepende/ een sulcke lydelijcke regieringhe/ wt de
Aristocratie ende Democratie slame ghevoeght/ aenstel-
len ende ons seluen helpen/ ende mans herten aennemē/
ofte anders/ wy/ ende onse naecommelinghe (so wy an-
ders dat leuen noch ontdraghe connen) werden die ellen-
dichste slauen bliuen/ die noyt ter werelt gheweest zijn.

Ist dat wy nu zulcks doen/ also eenmael tot Utrecht/
tselue louelijck aenghevanghen was te besluyten/ ende
oock int werck te rechten/ ende so wy daer nae by som-
mighe Euangelischen Churfursten/ Fursten/ Graue en
byse Rijcksteden in Duytschlandt/ om hulpe/ bystandt/
beschuttinghe/ bescherminghe/ ende verbontenissen oot-
moedelijck aensoecken: het staet eyghentlijck te verhope
ende te verwachtē/ dat wy sullen op ende aenghenomen
zijn/ ende als byse Rijcksteden/ een pder Landt/ Stadt
en plaetse (de byshept bande waere repne Religie/ en zijn
oude Priuilegie behoudende) onder de beschuttinghe der
booslepde Heeren zittē/ woonen en bliuen sullē. Want
al ist datter sommighe zijn/ die ter cause vander Religie/
ende

en bande Alliancien/ die sy met Hispanien ofte mit Fran-
rijck hebbē/ mit ons gheē verbont noch vrientschap zul-
len begheeren/ so zijnder nochtans vele andere/ die ons
groot/ sterck ende machtich ghenoech wesen sullen/ om
ons te handthauen ende te beschermē/ die sulcks vā her-
ten begheeren sullen/ ouermidts dat sy wel zien en ver-
staen/ dat sy ooc onderdruet werdē moetē/ ist dat wy/het
sy banden Spaengnaerden/oft bande Fransosen/ouer-
welbicht ende in slaernie ghebracht werden. Nu zijn-
der oock wel middelen/ dat wy by den voorsayden/ mit
behoorlijcke verskeringhe ende Caution, ghelt te weghe-
brjngghen connen/ daer mit wy ons/ wt dese teghewooz-
dighe hooghste benauthēpt brjngghen/ ende mit Godes
hulpe verlossen connen en sullen/ ist dat wy eerst een goe-
de resolutie by ons seluen nemen/ ende tsamen staen/ als
een eenigher Man/ ende niet langher/ als onghēbondene
schichten en pplen van een ander verstroyt ligghen.

Maer so yemant hier teghē segghen woude/ dat wy
banden Duytschen Churfursten/ Fursten ende Rijckste-
den/ gheen hulpe te verwachten hebben/ wt causen/ dat
wy int Jaer 1578. op den dach tot Wormis/ daer die
Ghedeputeerden der Churfursten/ Fursten/ Grauen en
Rijcksteden tsamen ghecommen waeren/ ende wy haere
bescherminghe begheert/ gheen troostelijcke antwoorde
becommen hebben/ ende dat wy daerom/ nu noch veel
wepnigher vercrpghen sullen: deser sal weten/ dat sulcks
niet te verwonderen en is/ want het eerstelijck openbaer
is/ dat sy/ die op dien tijt inden Raet van Staten/ die
voornaemste warē/ sulcks noyt van hertē ghelocht noch
ghemeynt hebbē/ daer om is dat niet meer dā eene schijn-
handelinghe gheweest. Ten anderen/ soo heeftmen int
Rijcke wel gheweten/ dat sommighe voornamē Heeren/
mit den Hertogh van Alençon/ ter seluer tijt in hande-
linghe ghestaen hebben/ ende dat daerom/ sulck soecken
ende begheeren/ niet van herten ghemeynt was. Ende
ten lesten/ so en waerē die Churfursten/ Furstē/ Grauen
ende

ende Rijcksteden/ bande saecke niet gheaduerteert/ eer sy
haere Ghedeputeerden op den dach ghesonden hebben/
die Ghedeputeerden/ hebben gheen beuel noch instructie
ghehad/ om daer op te resoluerē/ maer moesten dat aen
haer Querheeren refererē/ so dat behoorlijck is/ ende tot
allen tyden oock int Nederlandt het ghebruyck is ghe-
weest/ oftmē nu schoon dicwils het contrarie doet. Vouē
dien/ so was ooc de meestendeel der Ghedeputeerdē/ der
saecke contrarie en partye. Wat is dan te verwonderen/
datmen mit eenmael op sulcke wyle slechtelijck te schic-
ken/ niet vercreghē heeft/ de wyle men daer nae/ noyt ee-
nighen Churfursten/ Fursten/ Heeren ofte Stadt eenen
slechten Brieft tot dien syne gheschreue heeft? Maer nu
zijn het ander tyden/ vele Churfurste/ Fursten en Stedē/
hebben wt het ghene dat dese vijf Jaeren verlopen is/
ende hem toeghedraghen heeft/ leeren kennen ende ver-
staē/ dat die onderdruckinghe des Nederlandts/ dē Quer-
landt oock tot merckelijckē schaden comt/ daerom so sy/
also het ghehoort/ nu vriendelijck versocht ende ghebedē
werden/ my en twijffelt niet/ of daer en sal eene sulcke ant-
woorde vercreghen werden/ die onsen Vaderlanden ten
goeden/ tot troost ende verlossinghe dienen sal/ daer door
die aenslaghen der byanden/ seer gheturbeert/ ghezwa-
ket/ iae eyndelijck tot niet sullen ghemaect werdē. Wāt
die meyninghe en is niet/ dat wy mit het gantsche Rijck/
handelen willen/ maer mit den naestgheseten/ en mit den
goethertichsten/ de welcke ons int ghetal ende in macht
ghenoechsaem wesen sullē/ om mit der hulpe Gods sulcks
als voorseyt is te vercryghen.

Wy hebben dit tot onser schadē langhe ghenoech ghe-
hoort/ die in dese Landē een nieuwe/ doch ghelimiteer-
de Monarchie/ hebbē willen oprichten/ en bevondē dat
tet onmoghelijc/ ende daer beneffens ons hoogh schade-
lijck is/ ouermits dat wy eenen Heere (hy sy wie hy wil)
tot onsen Querheere aennemende/ den Coninck vā His-
panien/ ende dat Hups van Oostenrijcke een eenwighe
cause

cause gheuen van jalousie/ en volghents van eenē ghe-
duerighen Crijch/ ende van daghelijsche verraderpen
en entreprinzen/ wanneer het schoon de nieuwe aenghe-
nomene Heere/ mit ons ende onsen Vaderlande/ gantsch
goet en ghetrouwelijc mepnde. Maer so het de nieuwe
aenghenomene Heere/ mit ons niet goet noch oprecht-
lijc en mepnt/ zijn wy niet veel argher/ daer aen/ dan wy
opt te boozen waeren/ ghelijck het nu mit der Franso-
sischer verraderpe en moort ghebleke is? Die niet moet
willichlijck blende zijn willen/ behoordē/ wt alle het ghe-
ne datter gheschiet ende ghevolght is/ vandē tijt af/ dat
wy mit den Hertogh vā Alençon/ tot Bordeaux ghe-
capituleert hebbē/ te merken/ die correspondentie/ ende
het goede verstant/ dat tusschē den Paus en den Coninc
van Hispanien en Franckrijck is/ den welckē Alençon
(volghende de goede instructie/ die hē syne Moeder van
de ioncheyt aen ghegheue heeft) als een bequame instru-
ment dient/ om te volbringhen het selue/ dat sy in hare
bloetdurstighē raet besloten hebbē. Wie en soude sulcks
niet gypen en tastē/ wt sulcks als nieuwelicks tot Ant-
werpen gheschiet is/ en in so vele andere steden/ op eenē
dach/ en eene stonde bestekē ende aenghestelt was? Doch
die moetwillich in haere blintheyt voortvaeren willē/ die
moeten verwachten ende draghē sulcks/ als den ghenen
tot allen tydē toeghecōmen is/ die alle ghetrouwe waer-
schouwvinghen en goeden raet veracht hebben/ namelijk
haren eyndelijcken onderganck.

En of schoon die Conijnc van Hispanien/ die Neder-
landen bytwillich/ eenen anderē Heere schenckē woude/
ende dat de selue mit veel eydtsweren/ ons onse Priuile-
gien en bypheden te bewaren en te beschermen toespēde/
noch en waren wy onder eenen sulcken Monarcha, niet
recht noch wel verlekert/ ouermidts dat wy daghelijsch
bebindē/ dat sulcks sonder schaemte en schande gheprac-
tiseert wert/ dat Lysander te segghē plach/ namelijk/ dat
men den kinderen mit poppen en kinderspel/ maer die
C Mannē

Mannen mit eydtweeren bedrieghen moet/ ghelijck die
Paus oock leert/ datmē den Ketters gheenē eydt te hou-
den schuldich is/ ende Marciouelli laet oock den Princen
toe haeren eydt te bʒeken/ so menichmael/ als sy dat tot
onderhoudinghe haeres standts/ nuttelijck ende nootsae-
kelijck bebinden.

Wy hebbē ooc te bedenckē/ wat die ghestadighe groo-
te Hof-houdinghe der grooter Heeren costet/ en hoe vele
lichter dattet ons vallen sal/ in tyden van noodē/ eenen
Heeren voor eenē tijt/ tot eenen Velt-Quersten te onder-
houden/ den welckē wy mit eeren afdanckē moghē/ als
de tijt inde bestellinghe begrepe/ voorby is/ dan een eeu-
wighe Hof-houdinghe (daer wt ghemeynelijc allerley on-
ghereghelicheyt en boosheyt/ onder dat ghemeyne volck
ontstaet) onderhoudē werdē can. Een byse Rijckstadt/
als Straesburg/ Rozenburg/ Augspurg/ Francfort/ Lu-
beke/ Bremen ofte andere derghelijcke/ connē veel lichter/
eenen Fursten/ ofte Grauen/ inden noot/ eenen tijt lanck
statelijc onderhouden en vereeren/ dan dat sy die eeuwi-
ghe ende gheduerighe Hof-houdinghe/ onderhoudē sou-
den. So sal het oock mit ons toegaen.

Maer so yemandt segghen woude/ dat dit al waer is/
maer dat wy in desen teghenwoordighē standt des Vader-
lants/ eenes Monarchen en grooten Potentaets van noot-
den hebben/ dien wil ick bʒaghē/ en bidden/ dat hy my seg-
ghe/ wat hebben ons onse groote Potentaten dus langhe
goets wtgherichtet? Is onse staet en conditie nu niet elen-
der ende aermmer/ dā hy opt gheweest is? En eenen Poten-
taet aen ghenomen hebbende/ hoe sullen wy des seluen als
wy willen daernaer quijt werdē? Eenem sulckē machtighē
Heere ouer ons verkiefende en stellende/ vallē wy niet we-
derom in die inconuenienten en swaricheden/ daer van wy
hier voʒē ghesprokē hebbē/ d'welcke doorwaer niet clepne/
noch te verachtē zijn? Maer so wy ons so voʒsept is/ ver-
binden en vereenighē/ eerstelijc onder ons/ mit eenē eeuwi-
ghen

ghen Bondt/daernae ooc ons mit die Churfurstē / Furstē/
Grauen/Heerē en steden der Duytsche Nation, die der Re-
ligie toegedaē / en onsen Vaderlande niet verre noch wijt
ontferē/en door onse onderdruckinge gheinterresseert zijn/
bereenighē/ so hebbē wy indē noot/ eenē sulckē Querheere
als wy begheeren / ende als den noot cesseert ende ophout/
connen wy desseluen mit eeren/ danck ende vziendtschap
wederom quijt ende ledich werden.

Dese middel ghebruyckende/ connē wy allē onsen by-
anden in haren eyghenē Landē/ lichtelijc so veel te schaffen
en te doen maken/ dat sy ons hier in dese Nederlanden wel
sullen mit vzedē laten. En dese bouen ghelchpenē regierin-
ghe/en behoorde os Nederlanders niet nieu oft onbequaē
te dencken/de wyle wy eerst/by eens menschē ghedencken/
onder eenen Monarcha ofte Hooft ghecōmen zijn / ende dat
noch tot op den dach van hedent / die marckteeckenē onser
ouder bypheyt/ in het tsamē beroepē en beschypuē der Sta-
ten en Leden bandē Landen/voorhandē sijn/en ghebruyct
werdē. Daer en can ooc gheen beter forme van regieringe
bedacht werden / dan dese is / ouermits/ dat hier door/ die
Magistratē ghedwonghē werdē/om voorzichtig en wy-
selijck/ mit bescheydenheyt te regierē/ anders werdē sy mit
schandē afghesettet. Hier door werdē ooc die onderdanen
veroorlaect en beweeght / om hare Querhedē lief te hebbē/
te eeren. I ghhehoorlaē te wese/de wyle sy gheē ander Quer-
heyt en hebbē/dan euen/ die/ die sy selue vercopt en gehoor-
laemheyt belooft en gheswozen hebben. Dese regieringhe
is gheen opzwerfliche onordentlijcke Ataxia ofte confusie/ so
die pluyftrijckers der Tyrannē / die te noemen pleghen/
maer een rechte Isonomia, so die Griekē die noemē/dat is/
een ghelijcheit des rechts/om dat in een sulcke regieringe/
sonder verkeerde ionste ofte aensie der persoonē/ dat Recht
ende die Justitie/ eenen peggelijcken ghelijckelijc mit ghe-
deelt wert. En in allen byen Rijckstedē vā Duytschlant/
is schier euen een sulcke forme en maniere vā regieringhe/
daer nae wy ons wel reguleren connē/so veel als die Princi-
E ij. legien

legien en oude byphede / vā een peghelijc Landt en Stadt/
dat lyde moghe / en conne doch dies niet teghēstaende / tsa-
men in een corpus vereenicht en verbondē zijnde / dē gemey-
nen vbandt / die dē eenen ofte dē anderē beschadigē en aen-
grypen woude / eendrachtelijc tot ghemeynē costē en lasten
wederstaē / en dē aenghebochtenē Bondtghenootē ontsettē
en verlossen / so dat ooc tot Utrecht bedacht en beslotē was.

Alengaende de Calumnia / en valsche beschuldighen der
Tyannen / en haere pluymstrijckers / die daer voorgeuen
dat alle die een sulcke regieringhe begheeren aen te richtē /
vbanden zijn vandē Edeldom / en den seluē begheerē wt te
roepen (welcke valsche beschuldighen / sommighe daertoe
gheaposteert zijnde / door Arthois en Henegouwe / iae door
het gantsche Landt / om die tyrannie te continuerē / wtghe-
breydet en ghesaept hebbē / die is so onghegrondt / datse niet
verantwoordens weert is. De Zwitsers hebbē die ghesla-
ghen en wtgheroept / die haere vbanden en verraders ghe-
weest zijn / die de Tyannē gheholpē en ghestercket hebbē /
sonder aensien der persoonē / oft sy edel oft onedel / Gheeste-
lijck oft Weerlijck / rijck oft aerm / Borgher oft Boersman
gheweest zijn / wie can hem daerin onrecht gheuen ? Waer
gheschieter eenen slacht / daer een peghelijc / sonder aensien
der persoonē / synē vbandt niet en soeckt te slaen en te crenc-
ken ? Daerō heeft dese calumnie gheenē grondt / ghemerct /
dat die goede en byzome Edel-lieden aldaer / die het mit haer
eyghen Vaderlandt ghetrouwelijc ghehoudē hebben / niet
allepne noch ter tijt daer in bypheyt / ende in het ghebruyck
van haere goederē wonen en leuen / maer ooc lief en weert
zijn / en in hooghē eeren ghehoudē werdē. Sijn die te mis-
pysen / die nieuwelijcks tot Antwerpē / sonder aensien van
edelen ofte onedelē / die Fransosen gheslaghe hebben / die
hen verclaert haddē / vbandē van Godes Woort / en vande
bypheyt en welbaert der Stadt / iae moorders der Borgherē
van Drauwē en Kinderē / en roouers van haere goederen /
dat sal gheen redelijck mensche segghē / want also de rechte
warre Edel-lieden / die de daet mit dē name hebbē / niet en
conne

connen in eenen Lande en Stadt te veel zijn/also der Edel-
lieden/die niet dā den bloote name hebbē/ en onder dē tytel
des Edeldoms/ niet anders dan tyrannie en roouerie soec-
ken/en connē in Landē en Stedē niet te wepnich zijn. Ja
woude Godt datter int Landt niet eenen sulckē waere/ het
en soude niet te argher toegaen/ en alle die recht ende inder
waerheyt edel zijn/ sullē selue mit my wenschē en beghee-
ren. Woude Godt dat alle ghenoeemde Edelē/die dē Prin-
ce van Parma helpen/ Gods Woort ende des Vaderlants
bypheynt onderdruckē/euen dē loon ontfanghē haddē/dien
de Edele verraders en moorders tot Antwerpē ontfanghē
hebben. De rechte Edelē zijn dobbel eere weerd/ en wou-
de Godt/dat wy in ons Vaderlant sulcker Edel-liedē thie-
ne voor eenen hadden/so stonden onse zaken veel beter/dan
sy nu staen. En alsomen vandē Edeldom mit onderscheet
spreken moet/euen so moermen oock van Advocaten ende
Rechtsgheleerdē/ mit onderscheet handelen/die vrome/die
dat recht verclaren en voorstaen/ en gheē quade cause soec-
ken goet te maken/maer den Tyrannen wederspreken/die
zijn te pypsen/ghelijc Papinianus dede/de welcke tot dē Kei-
ser Caracalla sprack/die daer gheboot ende beual/dat hy die
moort zijns broeders Geta (so Herodianus schrijft) by den
Kaet te Rome verbloemē en ontschuldighē soude: Parrici-
dium (sprack Papinianus) dat is een sulcke broeders moort/
werdt lichtelijcker beganghen/ dan ontschuldighet/ofte
berandt woort/ ende woude sulcks niet doen/daerom hem
oock Caracalla heeft laten ombrijnghen.

Alsulcke Rechtgheleerde/ die dat Recht ghetrauwelijc
verclarē/wtlegghē en voorstaē/en dat onrecht straffen/zijn
in een wel aenghestelde Republicque/niet alleenelijck goet
ende profytelijc/maer ooc om zware twistighe en donckere
differenten ende misverstanden te slechten ende te eyndi-
ghen/ hooghelijck van nooden.

So nu eene sulcke forme van regteringhe aenghestelt
wierde/ghelijck voor verhaelt is/so waere te verhopē/ dat

C. liij. die

die Prouincien/die door de ambitie van sommighē/bā ons
ghealieneert en afghescheyden zijn (so sy die oorsaecken te
kennen gheuen/ in eenen Brief ghedruckt den 11. Augusti
1578.) hen wederom mochten mit ons verbinden en ver-
eenighen/ om den ghemeynen bypandt wederstandt te doe-
ne/ en de bypheyte des ghemeynen Vaderlands te bescher-
men en voor te staen/ te meer dat sy dus langhe wel bebon-
den hebbē/ dat sy oock in die hooghste aermoede ghecom-
men zijn/ ende noch meer comen moeten/ wt dien dat sy
volghende die particuliere passien ende affectien van som-
mighē/ dē Spaengnaert so diepe hebbē laten in-nestelen.
Sy hebbē ooc by sommighe exempelē wel gheleert/ wat sy
bandē Spaengnaerden te verwachten hebbē/ so sy weder-
om de ouerhandt cryghen/ ende meesters des Landts wer-
den. En al ist/ dat het exercitie bande waere Religie/ noch
ter tijt in die ghealieneerde Prouincien niet bequaemelijck
can ingheboert werden/ so verre sy alleyn de bypheyte der
conscientien toelaten willen/ ende dulden/ dat de ghene die
anders ende beter gheboelen/ mit haere goede gheleghent-
heyt/ met Lijf ende goet elders vertrecken moghen/ so con-
de men mit hen wel een Verbondt en Borgherlijcke ver-
eeninghe oprichtē/ ende dat mit goeder conscientie/ tot des
ghemeynen Vaderlands bescherminghe/ verwachende
also/ dat hen Godt die ooghe sal openen/ ende hem die ken-
nisse zijns Woordts gheuen/ so hy anderē Prouincien ghe-
nadelijck ghedaen heeft. Want euen dit selue gheschiet
noch daghelicks in Duytschlandt/ ende in Zwitserlandt/
ende die voorszeyde Prouincien/ hebben euen het selue/ inde
Paciflicatie tot Ghendt opgherichtet/ bewillighet/ daerom
sy int ghene dat voorszeyt is/ hen niet te bezwaren hebben.

Ich verhope dat vele verstaadighe ghetrauwte Liefheb-
bers des Vaderlands/ dit aduys niet quaet noch onbe-
quaem sullen vindē/ alleynlijck twee soorten van mensche
sullen die reghenspreken/ die eerste zijn/ die/ welcke voorsz-
maels/ door die tyrannie des Paus ende door die Spaen-
sche Inquisitie/ ouer lijf ende goet macht ghehadt heb-
ben/

ben / ende also tot hoogheyt ende rijckdom ghecommen
waren / die hen nu wat vernedert binden. Maer ick ho-
pe dat de clachten der sulcker / weynich ghehoors hebben
sullen. Die ander zijn / alle die / welcke hen als Patriot-
ten ende als de Religie toeghebaen zijnde / aen stellende / de
beste officien ende staten vercreghen hebben / en die Finan-
tien also regieren / dat sy wt aeremoede in corten Jaren tot
grooten rijckdommen ghecommen zijn / daer van sy ont-
settet wesen moeten / soude het anders mit den Vaderlan-
de recht toegaen. Maer sullen wy so blindt ende onber-
standich zijn en alrijt blyuen / dat wy om ettelijcke pluym-
strijckers der grooten / die anders niet / dan haer eyghen
proffijt soecken / ende hem mit ghemeyne ghelt rijck ende
machtich make / somen ziet / ons ende onse naercommers /
inder eeuwichheit laten verderuen? Het en sal mit de Va-
derlande niet eer recht noch wel gaen / niet booz dat wy / so
bouen gheseyt is / ons eyghen volck buycken / ende die tot
Crijchlieden make / ende dat een pedere Stadt en Landt /
zijn eyghen ghelddt ontfanghe / ende oock wtghene ende
betale / also een peggelich sal ghetareert zijn / aen sulc Crijch-
volck / ende tot sulcken vlagie ende ghebuycke / als eenen
pegghelijcken by ghemeyne aduylse sal veroordonneert wer-
den. Maer om dat ick achte dat een pegghelijck dit wel
merckt ende verstaet / so houde ick onnoodich / hier vā bree-
der vermaen te doen.

Men conde noch veel meer schryuen / om desen raet en
meeninghe te amplificeren / te verclaeren ende te beuesti-
ghen / maer ick houde / dat wt sulcks als boozseyt is / alle
ghetrouwte Liefhebbers vā Gods Woordt / ende des Va-
derlands welbaert ende bypheit / wel mercken en verstaen
connen / datter tot desen tyde / om die Ursachen boozen ver-
haelt / gheen beter / bestendigher noch bequaemer forme vā
regieringhe / ghebonden werden can / om ons Vaderlant /
wt desen iammerlijcken staet / tot breiden ende tot den ou-
den welstandt te bringhe / dan die boozsepte vermenghde
regieringhe / wt die Aristocratie ende Democratie samen
ghe-

gheboeght/ ghelijc die inden byge Rijckstede/ en in Zwitserlandt aenghestelt is/ soo oock de selue tot Utrecht besworpen was/ iae so die van ouden tyden/ in die Nederlanden altyt gheweest is/ also die ouerghebleuē reliquien bande conuocatie der Staten/ ende dat hoozen/ vanden aduysen der vzeede Raeden/ Wijckmeesters/ Dekenen/ Gulden/ Schutterpen ende Neeringhen/ dat wel bewopsen. Soo wy daer en bouen/ die alliancie soecken mit sommighen vromen Duytschen Churfursten/ Fursten/ Grauen/ Heeren ende byge Rijcksteden/ die wy ontropelijck door Godts ghenade binden ende vercrpghē sulen/ soo staet te verhopē/ dat Godt ons de ghenade bewopsen en thoonen sal/ die ons vā nooden is/ om het Landt/ van so veel vbanden te verlossen/ die ghealieneerde wederom tot der eenicheyt te beweghen/ ende also dat Landt tot synen ouden welstandt te bringhen/ tot Godes eere/ verboorderinghe zijns salichmakende Woordts/ ende onse ende onser naercommelinghen eeuwighe ende tydelijcke welbaert.

Syrach. Cap. 32.

Een vernuftich Man en veracht goeden raet niet/ maer een wildt ende hoouerdich mensche/ en vzeest hem niet wat hy oock ghedaen heeft. Doet niet sonder raedt/ so en berouwet v niet nae der daet.



20